

# 北洋官報

目錄

宮門抄

奏議○外務部奏第一次遣派學生赴美摺△又奏請派游美學務處會辦等片△晉撫丁奏酌定司道公費摺△又奏暫定撫署公費片摺片十一則

公牘○錢道寶書稟一件△齊玉祥等稟一件

文告五則△裁輔三則△各省二則△各國四則

彙編○山東中興煤礦公司添招新股章程

己酉官報目錄

本局第一百二十九期  
法政學報出版  
本日增刊己酉官報目錄一頁

## 宮門抄

二月初六日 陸軍部 變輿衛 廂白旗值日 馮國璋假滿請 安 河南提學使孔祥霖請 訓

葛禮華續假十日 召見軍機 孔祥霖 陸軍部封奏一件

## 奏議錄要

外務部會奏第一次遣派學生赴美入學情形摺

奏爲詳陳第一次遣派學生到美入學情形恭摺仰祈 聖鑒事竊臣等於宣統元年五月二十三日具奏收回美國賠款遣派游美學學生辦法大綱當奉 諭旨允准在案查第一年應送學生定額一百名因時日迫促不及如額取錄業就各處咨送學生分場考試國文英文及各種科學認真校閱取定四十七名經臣等委派外務部主事兼充游美學務處會辦唐國安於上年八月間護送出洋現據游美學務處轉據唐國安回京復稱奉委後遵即督同學生四十七名出都於十月初一日安抵美京旋率諸生往士普令飛魯分入各埠學校適值該地學校學期業已過半且各生程度不一勢難概受同等教育其優者固宜直入大學俾無廢時之患其次者亦必及時預備循序漸進方無躐等之虞當經會同駐美監督容揆將學生金濤等分別送入科乃魯各大學暨羅蘭士各高等學校並親往詳細查察所有教授管理諸法均甚相合諸生亦皆安心向學等情呈報前來臣等竊維遣生游美就學於中國教育前途大有關係此次倉猝考試雖未足百名之額而所派學生四十七名程度均有可觀年齡亦皆合格現經學務處送入美國各大學暨各高等學校分班肄業辦理尙屬妥協因材授學既未凌節而施殊途同歸足收樹人之效所有第一次遣派學生到美入學情形理合恭摺會陳伏乞 皇上聖鑒再此摺係外務部主稿會同學部辦理合併陳明謹 奏宣統二年二月初一日奉 硃批知道了欽此

又奏請派學部郎中范源廉等充游美學務處會辦等片

再臣等奏定遣派游美學學生辦法大綱有設立游美學務處暨專設駐美監督各條前由臣等會派前署外務部左丞右參議兼學部丞參上行走周自齊充學務處總辦業經奏明在案該處事務殷繁舉凡考選學生管理肄業館

遣送學生等事在在需人襄理查有學部郎中范源廉主事唐國安中西學問均屬精通堪以派充該處會辦至駐美監督專管收支學費約束生徒責任極爲重要查有駐美使署參贊候選道容揆曾在美國耶路大學畢業歷充湖北江南廣東等省游美學學生監督於游學情形素爲諳悉以之派充駐美學生監督允堪勝任除由臣等分飭遵照外理合附片陳明伏乞 聖鑒謹 奏宣統二年二月初一日奉 硃批知道了欽此

山西巡撫丁寶銓奏酌定司道各官公費摺

奏爲酌定司道各官公費恭摺具陳仰祈 聖鑒事竊准度支部咨奏定清理財政章程第二十七條內開官俸章程未定之先除督撫公費由會議政務處議籌外其大小文武各署及局所等處應由清理財政局調查各處情形一面稟承督撫及臣部酌定公費一面提出各項規費除津貼各署公費外概歸入該省正項收款等因當經轉行飭遵去後茲據署山西布政使汪詒書會同清理財政局司道詳稱該司道等繳領度支贊襄財政目擊時艱自應切實遵辦且司道爲闔省官場表率茲當裁提規費酌定公費尤宜克己奉公首先提倡現在會同調查參以報告清冊計藩司年入養廉實支銀四千七百六十四兩又地丁隨解公費並供支等項二萬七百餘兩學司年入養廉實支銀二千六百三十二兩又由司庫年支公費九千二百兩又供支工程等項一千三百兩臬司年入養廉實支銀四千九百六十四兩又各屬公費歲修等項一萬二千三百餘兩巡警道年入養廉實支銀二千七百六十八兩又津貼銀二千八百餘兩冀甯道年入養廉實支銀二千七百六十八兩又各屬公費供支等項九千五百餘兩河東道年入養廉實支銀二千七百八兩又公費填衝及癸卯新綱經費官運餘利等項一萬二千五百餘兩歸綏道年入養廉實支銀二千七百八兩又歸化關撥解公費一萬二千兩以上各款除養廉照額另支外餘均一律掃提歸公今照章酌定公費擬藩司年支公費銀一萬八千兩學司每年改支公費銀一萬五百兩臬司年支公費銀八千餘兩巡警道原支津貼二千八百餘兩實不敷用擬每年改支公費銀八千兩冀甯道年支公費銀八千兩河東道稽查鹽務歸綏道巡視邊防費用較繁每年各支公費銀一萬兩均自宣統二年正月初一日起由司庫分別支發作正開銷其掃提歸公各款亦自正月初一日起全數解歸司庫存儲入冊造報有漏未查出之款不論年月遠近均自本年正月初一日起照數飭繳至府廳州縣以下應定公費俟將每缺每年入款及各項規費名目逐一

查明另案辦理等情由該司局列表呈送詳請 奏咨前來臣覆加察核現定各司道公費係與實支養廉合計撙節擬定較之原支之數實係有減無增如此核實釐剔庶幾本省財政涓滴歸公此後核定府廳以下公費即以是為權輿除列表咨部並飭將應提歸公各款由清理財政局詳細造報外所有酌定司道各官公費緣由理合恭摺具陳伏乞

皇上聖鑒飭部立案施行謹 奏宣統二年二月初二日奉 硃批該部知道欽此

又奏暫定撫署公費片

再督撫公費照章應由會議政務處議籌惟晉省財政困難正應力圖撙節現督同司道核定公費臣為全省官員表率尤當仰體時艱躬自刻苦庶以身作則藉可激勵衆心臣到任時即與藩司等酌議除養廉照支外暫定每月公費銀一千二百兩作為臣署辦公之用自上年十一月初二日到任之日起由司庫按月解作正開報與司道公費俾歸一律所有向解臣署各項款目均即提歸司庫存儲冊報仍俟會議政務處議定督撫公費咨行到日再行遵照辦理除分咨查照外謹附片具陳伏乞 聖鑒敕部立案施行謹 奏宣統二年二月初二日奉 硃批該部知道欽此

摺片摘要

度支部奏議覆直督奏職紳穆雲湘等捐助學堂經費請獎事二月初四日奉

旨依議

又會奏議覆川督奏創辦經徵成績昭著酌保辦理出力各員事同日奉

旨依議

又奏議覆鄂督奏鄂紳蔡文惠捐助賑銀請獎事同日奉

旨依議

又奏議覆浙撫奏浙省州縣異常虧累擬先裁免攤提平餘事同日奉

旨依議

旨依議  
旨憲政編查館知道  
旨依議

又奏候補主事歐仁衡捐升郎中請仍留本部補用事同日奉

中正殿奏初八日進 養心殿念經喇嘛名牌同日奉

正白旗漢軍奏坐補驍騎校事同日奉

旨依議  
旨知道了  
旨知道了

## 公牘錄要

### 錢道寶書稟陳提倡茶業辦法文並批

敬稟者竊實業爲生利之源富民卽強國之本溯自歐亞溝通中外互市以來彼族吸取我之脂膏其術不止一端而以商務爲最以我國之地大物博人民蕃庶乃竟坐受其敝然百年以還猶幸有絲茶二項足以挽回利權於萬一無如工用高曾之規矩商乏遠大之計謀視同奇貨心存壟斷不知競爭而專事欺僞以至江河日下搆成今日之現象絲已不絕如縷茶亦勢成弩末然而亡羊補牢時固未晚况我國爲絲茶出產之祖國較之他類實業必須取法乎人者固自不同苟能急速改良力圖進步尙不難於恢復前規重收美果也職道才質輕庸學識孤陋於實業之道素鮮經驗惟以髫年隨侍壯歲游學三至東瀛居留較久見其富強之效端賴實業故而瞻懷時局注意於此時以得於聞見者而證之則絲茶二者其整頓後之效果當以茶爲較易而茶之銷路近亦稍勝也是以今春奉南洋大臣札委派充南洋勸業會特別調查員卽首先赴鄂考察茶務誠欲於此次會場提倡鼓勵以促茶業之進步而爲實業之先導擴充銷路開闢利源然非親身入山諮詢討論不能悉其內容知其缺點遂特赴羊樓崗一帶詳細調查會將考察所及謹擬辦法詳陳利弊繕具說帖恭呈 鈞鑒伏蒙 大帥優容俯賜批答採及芻蕘良深感愧職道秋間赴鄂接晤漢口六幫茶商談次知茶業研究所之成立有日咸頌 憲德於無量嗣職道回津於報紙中見登載有我 大帥發交湖北諮議局之興茶業以開利源議案繼頌再四欽佩莫名仰見 大帥提倡茶業維持利權不厭周詳慮衷下問湖北爲茶業出產之區諮議局乃人才薈萃之地以土著之議員於故鄉之物產必能詳晰條對悉合機宜如職道之一知半解曷能妄贊一辭然江河不擇細流故能成其大泰山不讓土壤故能成其高職道苟有所知何敢自安緘默不揣禱昧謹爲我 大帥陳之謹按設研究所立公司二者誠振興茶業之機關而開闢利源之要點也不設研究所則無以灌輸知識期其改良不立公司則無以結合團體厚其勢力二者

實相附聯不可偏廢然而研究所似又宜先於公司之成立未揣其本而齊其末縱有大公司亦未必能收大效而研究之方法又當以普及為治標之策深造為培本之圖應先求其普及繼再謀其深造蓋同時並舉非徒財力恐有不逮且慮教師當難其選不如暫分先後之為得也至深造之學似宜在產茶地方另立專門學堂招取聰穎學生不必以茶戶子弟為限制學科務求完備學期不時延長庶可收得人之實效而不負儲材之本意若因事重款絀猝難實行似可於武昌農業學堂內附設專科移種茶樹另行招生開課以為基礎徐圖擴充其普及之法除轉教授外似宜由茶商或公司雇工以新法種植採摘使茶戶實睹其效自能轉移風氣變易習慣事半功倍也若茶商研究之方法關係於銷路之盈縮利權之得失其影響為尤鉅必須注意外界以期改良內容每年集漢時僅數月每星期二次以四個月為限尙恐為時太少難免不徒有名義而無實際然商情渙散果能集合研究亦必終有裨補誠如 憲論一視該主管官提倡之力與各幫商人互相團結為何如耳職道愚以為商人之能否團結當視乎主管官之能否提倡為衡果使主管官鼓勵於上商人斷無不踴躍於下者也故職道愚意茶業既為我國振興實業之要務挽回利權之大宗裕國利民其效必速則似宜特別提倡逾格獎勵庶幾商人見 朝廷之重視茶務較他項實業優異有加自必羣情感悅奮激從事而後可以清昔日之積弊成後來之宏規矣請言特別之提倡現時勸業道之設立原所以主管實業責有攸歸茶亦實業之一部固仍為勸業道之所轄矧實業之門類既夥則其職務亦因之而繁即不能專注於一端而獨重視於茶業也今擬請仿照鹽運司鹽茶道之例於產茶省分特設茶業道專官揀取諳練交涉留心實業之人充補所有茶務上之行政交涉稅務考察悉歸其專司而直達於部部中亦宜另立茶業司為茶業道之機關而實行提倡之計畫以專責成而新觀聽有此特別之提倡其優美之效果固可操券而待也請言逾格之獎勵昔日茶業之日就衰敗者雖由於茶戶之不知改良方法茶商之不能精心計畫然亦在上者無人過問聽其自生自落有以致之也獎勵工商大部已有定章惟查部頒獎勵華商公司暨爵賞商勳章程立格未免太高限制似嫌過狹求茶戶茶商之合格者自不易覲難被殊榮在 朝廷之名器固不可冒濫而勳位之榮譽亦何妨寬假擬請嗣後茶戶有能考求新法種植採摘焙製確有效驗者觀其成蹟之高下比照獎給商勳章程各獎以一二三四五等商勳並加二三四五六品頂戴其茶商之能創立公司獨出資本擴



張銷路挽回利權確有效驗者亦視其成績之高下比照獎勵華商公司章程各獎以金牌匾額並加頭二三四品頂戴及頭二三四等顧問官惟均須照原章量爲變通從寬核定庶足以昭激勵而示優異其不聞風興起者未之有也既有特別之提倡逾格之獎勵而後商情一振雖二百萬元之公司亦必接踵而興矣然以上所言似尙非一二年內即可收效者也則不得不圖目前之良策而目前良策自以公家補助爲最便公家當此財政支絀難於兼顧其勢然也且亦宜預籌久遠之方法始克維持鞏固職道愚以爲宜請咨商農工商部創辦茶務興業銀行以公私股分組織之資本至少二百萬以上多多益善總行設於漢口設總分行於上海設分行於各產茶地方其茶商與洋商貿易之款項悉由其經理而以商務性質貸款於茶商俾資周轉如銀行資本充足並可自立公司以開風氣此乃以公家之監督助商人之營運並非與之爭利也似較公家補助稍易爲力其於茶業前途有利無害有益無損如慮銀行之不易創辦股分之難於招集則有大部爲之主管登高一呼衆山皆應資本家必爭先恐後羣相附股於是銀行可以爲公司之根據而公司亦即聯合國民成一絕大商業之基礎也他日茶務之興衰需在於是其事最爲重要職道一得之愚恐未必悉合事實然職道則以爲舍此殊乏嘉謀用敢貢其管見是否有當謹肅稟具呈並附前次說帖伏乞俯賜鑒核訓示祇遵如蒙轉咨農工商部度支部採擇施行之處實爲公便專肅祇敬 崇安伏維 垂鑒

督憲陳 批據稟已悉足見該道留心實業殊堪嘉尚仰俟酌核辦理摺存此繳

職商齊玉祥等稟爲移易路線懇恩轉咨仍照原勘基址興修文並批

爲津浦鐵路又移原勘路線貽誤國計民生懇 恩據情轉咨仍照原勘基址興修以維路政而救貧民事竊職等自去年夏間與溫世霖等辨議車站設立地址一案曾具辨正書十六條呈請 前督憲端旋蒙批示候即咨移鐵路大臣查照擇相宜之處建設車站嗣於去年九月間經 前督憲端及鐵路總辦迭次躬親往勘僉以西站宜設灣兜北站宜設辛莊當即繪圖勘定仰見 前督憲及鐵路總辦洞悉路政機宜職等靜聽之餘曷勝欽服即西南隅窮黎數萬人亦以爲俟路工告成之後搬運商賈貨物藉此可以謀生詎意於去歲臘月底又見紅旗移向他處原勘灣兜等處路址盡行廢棄職等咸深駭異伏念職等於去歲夏間曾具有辨正書十六條彼時溫世霖等并未

能片言隻辭答覆足徵默認及去歲九月間遂勘定路線基址是該路線之不能移易已成鐵案如山今事閱數月該溫世霖等乃不博諮於人周訪於衆乃惟自遂私圖種種譎詐情形久在 督憲大人仁明洞鑒之中惟念西南隅窮黎十數萬人素無恒業滿擬路工告成之後可藉勞勩以謀衣食今路線既移即謀生路絕值此頻年水旱商業凋敝之際十餘萬人飢饉流離更恐轉乎溝壑興言及此想 督憲大人仁明之懷恐怒然不忍聞也職等亦知 督憲大人以事關路政未能越俎然封疆之權古今所重有溫世霖等之蠹民不可無 督憲大人之護民也矧輿論是非惟 督憲大人知之有素則將來尤特 督憲大人一言以定從違想值此頻年水旱之餘 督憲大人必不以溫世霖等而置吾民十餘萬人於不顧也除另稟 督辦路憲大臣外爲此情急叩乞 督憲大人恩准移咨俾仍照原勘路線興修以維路政而救貧民則感荷鴻慈生生世世矣上稟 督憲陳 批據稟已悉仰候 督辦大臣核示此繳

## 文告錄要

學部牌示○照得京師優級師範學堂考錄新班學生現已由該堂榜示在案所有前經呈驗文憑各生無論已取未取仰於即日携帶回照來部領取可也

郵傳部招考告示○爲曉諭事本部統轄郵電管理需員非預行儲備人才不足以備任使前經設立之鐵路管理傳習所分設鐵路高等班及簡易班業已分別授課茲准在鐵路管理傳習所增設郵電班與路科並重即以鐵路管理傳習所改名爲交通傳習所設郵電高等班定額一百名以英文程度能直接聽講曾受普通教育者爲合格入堂後二年授課半年實習共二年半畢業將來派赴各局練習遞升重要職任簡易班定額一百名以中文通粵稍通英文算學爲合格一年授課半年實習共一年半畢業將來派充中等以下各職務郵電高等班仍照前次招考路班學生辦法在北京天津上海香港漢口五處同時招考簡易班在北京天津兩處同時招考均定於二月二十一二十二二十三等日按科分期考試北京即在本部考試報考諸生均自二月初八日起赴本部承值所報名填冊至二月十八日截止聽候考試其天津上海香港漢口四處分遣專門人員前往考試從嚴甄錄考取各生限三月初間一齊到京所有招考章程及功課表列後仰投考諸生一律遵照切切特示 附郵



電班招生章程 一須身家清白年紀在十八歲以上二十五歲以下 一高等班入學程度 一英文會讀四年以上者 二英文論說 三漢文譯英 四英文譯漢 五口授英文講義筆錄 六代數至雙位方程式爲止 七普通輿地 八理化 九國文 除國文論說用中文考試外其代數輿地理化三門如不能用英文答問者准用中文 一簡易班入學程度 一國文能作三四百字清順者 二中國輿地 三算術 四理化學大意 五英文能作淺近答問者 一郵電高等班用英文中文相間教授兼習法文二年授課半年實習共二年半畢業簡易班全用中文教授一年授課半年實習共一年半畢業 一報名考試在京取具(同鄉官印結本旗圖片)在外取具殷實鋪戶蓋戳並携帶相片無論錄取與否相片均不發還 一報考各生應自揣程度於報名時聲明報考高等班或簡易班分別填冊 一考取學生由官醫細驗身體強壯無疾病者方准入堂 一入堂時各覓保人填注保結本生自具志願書一通存案 一不設宿舍不備飯食其上海香港漢口考取各生到京時先由傳習所備客棧暫住供給飯食半個月以後概由該學生自理至北京天津考取學生概不供給 一入堂後不收學費所有筆墨紙張及一切雜用品均不發給其教科書及操衣學衣靴帽均由所備辦該生繳價領用 一各埠考取學生呈具保單志願書後按名給與船票車票來京其餘一切零費概不發給 一入堂後考試成績最優者酌給書籍彙器等獎品以示鼓勵 郵電高等班功課表 第一年 第一二學期應授課目 各國郵政章程大概 郵政管理法 甲 國內郵便 乙 國際郵便 郵便儲金 電政管理法(附各國電政章程) 電氣通信術(附電氣通信機概要) 商業簿記 商業算學 商業經濟學 交通地理 甲 本國交通地理 乙 世界交通地理 國文(附應用公牘) 英文 法文(兼習) 第二年 第三四學期應授課目 各國郵政章程大概 中國現行郵政章程 郵政管理法 甲 國內郵便 乙 國際郵便 郵便儲金 郵便匯兌 電政管理法(附各國電政章程) 中國現行電政章程 電氣通信術(附電氣通信機概要) 各國貨幣攷 商業簿記 商業經濟學 商業算學 交通地理 甲 本國交通地理 乙 世界交通地理 萬國郵政公會之組織及其歷史 萬國郵政之沿革 國文(附應用公牘) 英文 法文(兼習) 郵電簡易班功課表 第一學期 內國郵政法規 內國郵政管理 外國郵政法規

外國郵政管理 郵便儲金 (法規及管理) 電信法規 電氣通信術 數學 地理 國文 外國文

第二學期 內國郵政法規 內國郵政管理 外國郵政法規 外國郵政管理 郵便匯兌 (法規及

管理) 電信管理 貨幣攷 電氣通信術 數學 地理 國文 外國文

督憲批示錄要○學司詳高等學堂補習中學畢業生許士冠請給獎由 批據詳已悉候咨 學部查照併案核

獎此繳○又詳藁城縣重修高等小學各員未便給獎由 批如詳辦理仰即飭遵繳○新城縣孔令稟請委員

幫修春工由 批據稟已悉仰清河道即飭新雄縣丞張承壽幫同該縣辦理北岸河工並移藩司查照稟鈔發

此繳

藩台牌示○承德府教授馮士傑丁母憂遺缺擬以河間府教授趙炳林調補

北洋高等巡警學堂招考告示○為招考事照得本學堂第五期學員補習高等畢業其第六期學員無多亟應添

招新班業經出示招考在案惟現查報考人數寥寥不敷挑選應將試期暫行展緩合行先期出示爲此示仰本

省舉貢生員及曾在中學堂以上畢業生等知悉如有年在二十歲以外三十五歲以內者務於本年二月內取

具保結開明三代年籍親赴本學堂報名登冊聽候本總辦於三月上旬示期考試照章錄取其候補候選人員

如有講求警務情殷嚮學者亦准報名投考以備選擇以上報考人等務各攜帶四寸相片於點名時呈驗切切

特示

### 畿輔近事

請獎大學堂辦學人員○學部請獎京師大學堂辦學人員一摺已於正月二十四日奉 旨依議茲將名單照

錄如下 擬照異常勞績請獎六員 法部候補主事江紹銓擬請免補本班以員外郎儘先補用 陸軍部候

補司務李應泌擬請免補本班以主事儘先補用 分省試用縣丞曾宗鞏擬請免補本班以知縣仍分省補用

通判職銜貢監生魏易擬請以通判不論雙單月儘先選用 分省議叙縣丞汪杉擬請免補本班以知縣分

省補用 通判職銜莊文梅擬請以通判不論雙單月選用 擬照尋常勞績請獎十員 外務部候補郎中楊

書雲擬請以本班遇缺即補 郵傳部主事唐德宣擬請以員外郎在任候補 法部主事馮巽占擬請以員外

耶在任候補 陸軍部筆帖式馮閻模擬請以主事仍留原部遇缺儘先卽補 學部小京官薛錫成擬請加五品銜 學部司務秦錫純擬請在任以本部主事候補 分省試用州同盧紹鴻擬請俟得缺後以知州補用 截取試用知縣陳熙績擬請俟補缺後以同知直隸州知州用 府經歷職銜朱琳擬請以府經歷歸部選用 縣丞職銜丁啟盛擬請以縣丞選用據吏部查覆該員所請官階與定章相符應令將縣丞職銜原案詳細聲明再行照准註冊

官場紀要○督憲札委候補道張觀察翊辰保定練餉股坐辦差延觀察夔保定練餉股幫坐辦差李觀察振鵬行營營務處發審差均於前日赴院謝委○藩台凌方伯前日赴院稟見

呈報法兵操演情形○督憲據津海關道呈稱本年正月二十五日准駐津法國提督貝蘭景洋函譯稱法兵隊現將實行操演謹將其操演時日情形奉告台端如下一砲隊定於西三月八號至十五號(中正月二十七至二月初五日)於每禮拜二日倘是日有相阻之處即改於次日在機器東局附近北面約十二啓羅密當(約合華里二十四里)地綫內演習放砲放砲前半點鐘預先放空砲一响以資警告另派砲兵擔任保護治安之責設有小旗幟以爲記號二步隊定於西三月十一號並十八號(中二月初一日初八日)兩天內在東局之東劃定地綫內演放槍子其地綫係北自趙李莊(譯音)到大壁莊(譯音)之路南自福南新莊(譯音)到陳林莊(譯音)之路西自東局迤西一帶到嘉利莊(譯音)之路東自李明莊(譯音)安家莊(譯音)磚窰之路兵隊放槍係自南向北茲因預防意外之不測敬請執事諭知居民一不得在以上所指出地綫內行走二不得將所見未經爆炸之彈子擅自挪動以致炸裂傷害性命並須告知東局法武員等諭飭將此項彈子檢去爲要至保護治安之責已派有騎兵爲之擔任並設有小旗幟以爲記號附圖等因准此除將圖說札發天津縣示諭並分行外理合具文呈報憲台查核云

## 各省近事

政治

吉林委署府廳州縣○升補綏芬府知府李太守綺青奉 旨允准應卽飭赴本任署吉林府知府張太守鵬另

有差委遺缺以賓州府知府李太守澍恩署理遞遺賓州府員缺委員長春府知府許太守元震調署伊通州知州金太守永現已升補雙城府所遺改設伊通直隸州知州員缺以奏調直隸盧龍縣知縣張直刺治仁升補署濱江廳同知何司馬厚琦另有差委查請補是缺同知章司馬紹洙堪以先行到任改設雙城府一缺即委現署雙城廳通判孟太守憲彝署理農安縣知縣壽大令鵬飛請假出洋游歷遺缺委候補知縣茹大令臨元署理署敦化縣知縣謝大令祖蔭期滿調省以准補是缺之方正縣知縣榮大令善飭赴本任遞遺方正縣知縣員缺以請補是缺之趙大令邦彥先行到任均於日前奉到民政司牌示矣

咨查准浙行鹽章程○浙撫接准贛撫馮中丞咨開案據鹽法兼巡道慶寬詳稱前奉飭查取浙鹽斤行銷贛省現行各章程迭核備考等因查准鹽章程前奉札行當經移取各在案一俟准鹽局送到隨即轉呈核辦惟行銷浙鹽全省僅祇廣信一府一按浙鹽有由徽河直上至休甯縣屬之屯溪龍灣等鎮改裝起早運入婺源縣轉輸江省之樂平饒州浮梁景德鎮各處者年約二十餘萬引是否浙私灌注尙待調查一現係如何辦法江省無案可稽擬請咨行浙撫部院飭司將現行章程抄送來江俾便考核等因到院相應咨請查抄等因增中丞當即轉行運司詳細查抄以便咨覆

### 各國新聞

英海軍大臣之政策○路透電云英海軍大臣馬堪納氏在下議院預算海軍經費并云此次預算非爲他事只爲海軍充足以保護英國疆域現計至一千九百十三年西一月可造成德瑞納提號式戰艦五艘是年西三月英海軍之勢力可增一倍再加以澳大利亞與紐錫蘭島兩處戰艦則新式大戰艦共有十五艘此後英國於建造兵艦一事永不落後并望將來之經費議院不可駁拒以免掣肘云

已革達賴會晤印督○路透電云據駐印度京城訪員報告已革達賴喇嘛拜會英國駐印總督曼圖伯爵當乘車赴印政府時有孟加拉騎兵隨護達賴以絲肩巾贈與曼氏曼氏旋往答拜衣飾甚爲華麗

土皇接待布王之關係○柏林電云布加利亞國王定期遊歷土京聞是時塞王擬赴俄京遊歷俄國照會土國謂土皇接待布王俄政府甚爲滿意并謂土國接待布王實爲土皇於巴洛堪半島各國聯約無反對之證據

英陸軍大操經費○倫敦電云英陸軍大臣現在宣言擬於今年加增陸軍經費十萬鎊此款爲陸軍大操之經費此次大操局面甚大因愛爾蘭與南非洲陸軍亦來會操

續二月初六日 山東中興煤礦公司添招新股章程

三本公司宗旨在廣闢地利保守主權官民得用煤之便益股東享天然之美利

四本公司雖係商辦全賴官家維持保護凡集股辦礦運路轉輸關於營業內容悉照商規辦理由總協理主持其特別事件隨時開股東會議分別稟請（農工商部）（郵傳部）（北洋大臣）（山東撫憲）核示辦理

五本公司總理處暫設在山東省城西門外東流水俟津浦鐵路告成後應否移設他處再行會議定奪其總礦設在嶧縣城北棗莊地方

六本公司礦界於光緒二十五年奏明距礦百里內他人不得再用機器開採煤筋十里內不許民人用土法取煤

三十二年遵照部飭繪具礦界圖說詳細標註地名呈請備核在案三十四年奉頒礦務正副新章所定礦界與公司大小懸殊經山東礦務調查局遵照新章第八款請示辦法蒙 農工商部咨准以從前專案奉准之礦處

所甚多所佔礦界暫時均未改歸一律嚶礦既辦有成效自當量予維持准其照舊辦理各行轉飭遵照在案七本公司礦界以內曾延華洋礦師詳細踏勘證以前人已開舊井所遺之煤除小槽不計外但就大槽一層而論

煤層極厚煤質極佳早為中外所稱美洵屬中國希有之礦產

八本公司礦界內中西兩段煤苗約長四十餘里可開井處甚多蒙 農工商部奏派丞參上行走周都轉來嚶調

查因與公同籌商劃定以中段棗莊東至侯家宅西至朱家舖為總礦以西段現開分礦之山家林及勝縣之陶莊左村至鄒陽為第一分礦以鄒陽東大小甘林至朱家舖為第二分礦以上三處除棗莊西總礦現正改做大

井外其山家林陶莊左村第一分礦亦即探開大井大小甘林第二分礦俟津浦全路告成如果運銷暢旺再議開辦三礦中間如開小井視與何處相近即作為某處附礦又東段牛角安城一帶亦在公司礦界以內現有廣

益公司用土法採取小槽之煤線薄質劣將來公司亦須照西法鑽試如得佳煤再用機器開採

九本公司應用開井採煤地畝係按本地開辦煤礦舊例每畝給京錢八千文取煤至其地下每畝給煤八噸公司不用地面仍聽地主耕種以順輿情而示體恤

十嶧境採煤歷數百年凡英尺三四十丈深之煤均被前人採取積水甚鉅公司自光緒二十五年接辦至今先後開過舊井五六十處陸續將積水提盡以除水患現留井口十六處分別提水提煤新開興四興五兩井共深英



尺五十八九丈現正用炸藥改寬加深砌做大井大約至宣統二年秋冬可以完工應即安設提煤抽水大機器煤樓風扇等件井下開橫洞馬路鋪小鐵軌宣統三年定可多出煤勛目下仍就各舊井出煤日得四百餘噸今年至歲底約可得煤十六萬噸足保已收股本及利息借外款一百六七十萬兩一分官利及利息付項宣統二年夏初台棗運路告成南下煤焦運費既減獲利更厚矣

十一本公司自築由棗莊至台莊九十里大鐵路本爲專運煤焦計軌車橋料全數早抵台莊現已築成四十里開車運煤其中段應用路地自控案復奏後即稟蒙山東撫憲孫派員丈購刻正挑築土道砌做橋洞約至宣統二年夏初必可全路告成此路與礦務相輔將來盈虧合併核計毫無分別

十二本公司探出之煤謹遵原奏悉照開平成案由山東派員在礦每噸徵收稅銀庫平一錢釐金五分運銷江南再完宿遷鈔銀作爲出口稅由公司填給分運單無論轉運何省不再重徵

十三本公司現因運煤鐵路用款半多息借亟應招股歸還又因津浦鐵路三年後即可告成尤須先期寬籌經費添開分礦俾公司得廣銷之益津浦獲運用之利前與周都轉通盤籌算速還舊欠議共添招新股漕平足銀二百二十萬兩合已收老股八十萬兩共合成漕平足銀三百萬兩分爲三萬股每股漕平足銀一百兩凡中國人無論官紳商庶均可入股

十四本公司前招老股係按漕平七錢作洋一元核收現既議改銀股所有已收之洋元各股應俟宣統二年四月核付股利時扣作銀股如有短少即由應得股利內撥補足數

十五本公司前發股票息摺均有華德字樣現既稟准註銷華德二字自應一律收回另換新股票息摺擬俟宣統二年四月核付股利時先期函告各老股東將原執股票息摺寄交公司另行填換

十六本公司先後蒙山東撫憲提倡籌撥官款附入之股暨農工商部札准續籌官款協助之股均爲保護維持礦政起見應享利益與商股一律不稍歧異惟遇股東尋常特別會議時應否派員會同公議先期由總協理稟請農工商部山東撫憲核示祇遵

十七本公司係見成效之礦現招股本不便分期核收統以收足二百二十萬兩爲截止之期凡願附礦股者以本公司及各埠代收處收銀之次日起息入股之年如有餘利即照起息之日按日與老股一律攤算倘有先交若干股遲數月再交若干股者其續交之股仍按續交之次日起息核算餘利以昭公允



贊皇縣王令稟遵飭設立巡警教練所開辦日期請立

案文

晋臬志詳撫院恭逢 恩赦分別內外結各案酌擬辦

法文

二十八日

督憲楊准學部咨駐日監督處擬定自費生考入高等

學校改給官費准駁事札飭提學司查照文

督憲楊准學部咨天津私立第一中學堂甲班畢業生

年限不足准予備案升學札飭提學司遵照文

江蘇候補直隸州知州胡直牧希林稟兩淮借運蘆鹽

請飭護照文

高陽縣怡令欽稟巡警局附設保險水社暨捐廉購備

救火器具文

二十九日

督憲楊准陸軍部咨嗣後武舉武生准其投標入伍通

飭一律遵照文

天津商會稟農工商部呈報華商欠款歷辦原委文

三月初一日

度支部咨各省大府招考財政學堂學生文

督憲楊據運司詳商人桐興義稟孟縣鄉民聚眾鬧店

事咨會豫撫添兵彈壓並派員查辦文

運司詳長蘆輪駁運鹽擬在北塘河口添設燈船以利  
夜行文

豐潤縣馬令爲瑗詳擬設商會文

初二日

督憲楊准農工商部咨給發京張路局鷄鳴山等處開

礦執照並准免納地稅事札飭礦政調查局遵照文

涞水縣高令文才稟到任後整頓新政文

初三日

督憲楊准外務部咨送無約國人遊歷執照式札飭津

海山海東海各關道暨洋務局遵照文

署長垣縣田令鴻文稟徵收田房稅契銀兩比較二十

八年溢出千兩以上可否照章給獎文

江蘇蘇州長元吳紳士柳宗棠等稟請學台澈查公款

補助鄉學保存的本情形文

初四日

督憲楊據津海關道詳鐵路所用煤斤應否免稅事咨

請稅務大臣核覆文

運司詳津武口岸現歸王賢賓等九商承辦華集成等

六十八商不預盈虧文

涿州勸學所總董單琴治等稟文牧善籌廟產請登官

報以資觀感文

天津縣議事會移南段巡警總局文  
天津縣議事會移地方審判廳文

初五日

礦政調查局詳陳全福購買開礦炸藥請電達陸軍部  
飭關驗放文

容城縣牛令桓稟開辦教練所日期及添設馬巡並擬  
刊巡官截記各情形文

天津縣董事會申津海關道請向海河工程局交涉收  
回淤地文

初六日

督憲楊據永平府詳撫甯紳商稟留陸軍駐防札飭第  
二鎮遵照文

定興縣吳令烈稟經費支絀暫行裁減巡兵暨各項浮  
支添設傳習所馬巡情形文

初七日

天津工部關移覆議事會文  
藁城縣陳令汝賢稟挑挖滹沱河舊道以興航業而利  
商民暨臚陳梗概辦法請派員覆勘文

初八日

禮部通行各衙門恭送 梓宮隨行兵丁人役責令該  
管官稽查約束文

郵傳部札飭京漢路局籌辦要差通盤預算文  
磁州黃牧祖戴稟私鑄私販刻已禁絕仍用制錢情形  
文

文

河南開封府稟請撫院將調查員管理監察各員並投  
票區所辦法核示文

初九日

督憲楊據曲陽縣鄭令在中詳違飭查催煤稅情形札  
飭礦政調查局核議文

河南官紙刷印所詳請撫院各屬刷印官紙原價售錢  
擬改一律售銀文

初十日

督憲楊准學部咨切實辦理各項實業學堂札飭提學  
司查照文

豐潤縣馬令爲瑗詳新軍屯鎮大王莊李釗莊添設工  
藝分局文

鉅鹿縣葛令龍三稟藩台拿獲武舉糾衆聚賭訊供大  
概情形文

十一日

南洋大臣咨督憲楊准度支部印花稅歸入勸業會收  
款之處亦難照准請轉飭查照文

督憲楊准民政部咨查封晉益升衣物等件提京備抵  
札飭天津縣轉飭商會查照文

# 奏辦京師自來水有限公司訂期開股東常會廣告

查本公司招股簡章第二十條內載每年二月各股東在北京本公司開會一次宣布上年盈虧情形預籌本年營業方針是爲尋常會議現在本公司甫經售水並無盈虧可言而營業方針亟須預爲籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日携帶股票赴本公司驗明填發入場券屆期即可持券入會如不先領入場券臨時碍難接待謹啓

## 天津銀號廣告

本銀號代辦直隸公債所有光緒三十二三三四等年宣統元年第一二三四等年各期應付本利銀兩業經照數分付並廣告白各在案茲值本年宣統二年正月杪爲公債第五年第一期滿給還本利之期即係原訂光緒三十六年期限凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各稅捐已詳請 督憲照 奏准章程通飭各屬不准留難需索務即持票兌取現銀毋得自悞再如有本埠上四年到期未經支取本利銀兩各票亦可到本銀號驗票續發特此佈告

## 北洋灤州官礦有限公司訂期開股東常會廣告

啓者本公司現屆第二期派利謹擇於二月二十五日下午二鐘假座天津河北李公祠東院單棚內舉行股東常會應請有股 諸君於會期前三日攜帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利文洋

大小皮包法國洋號又新到轉盤換調話匣八音盒價格格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造鐘錶蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

## 瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅願縐絳蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸

瑞林祥元記具

## 嶧縣中興煤礦有限公司添招新股廣告

敬啟者本公司前蒙 農工商部奏派丞參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙 農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程修改完善呈部奉准立案茲將部札原呈及添招新股章程登告以供 公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數百千股均可隨時向義善源慶善銀號洋灰公司河北周公祠後嶧南鄭宅等處商附兌款後先給收銀憑單隨即函告濟南總理處填寫股票息摺寄回轉交附股人收執為憑以收足原讓之數為截止之期幸勿觀望自失利益特此敬佈

天津商務印書館廣告

謹贈月份牌  
五月份牌

歲逢庚戌萬象更新本館特製月份牌一種文雅富麗兼擅其勝專備 購書 諸君贈品以助雅興凡購本館書籍圖畫 滿現洋二元者謹贈月

份牌 一張滿四元者二張 餘可類推 不滿二元者不贈訂定正月初十日贈起

至二月初十日止 如期內業已送完則當改贈他書臨時再行佈告

敬書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉 附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價格外減讓以副官商雅意如蒙賜顧請至本局賬房面議可也

## 啟新洋灰有限公司舉行股東會議

敬啟者本公司現屆第三次派利謹擇於二月十六日下午二點至六點鐘舉行股東會議座設海大道英租界本公司總理處務祈有股諸君於是日未刻惠臨集議為盼  
本公司謹啟

## 督署兩等小學續招學生廣告

地址 督署後天緯路北學級 本校分高等初等兩級資格高等以能作短文為合格初等識字與不識字均可課程遵章報名自二月初一日起至二月三十日截止本在堂庶務處考期三月初一日早八點鐘考高等學生下午兩點鐘考初等學生學費不收

## 北洋灤州官礦公司開收第一期股本廣告

啟者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先聲明此啟

## 順直納稅多額者公鑒

敬啟者資政院選舉納稅多額議員現經督憲電請資政院展限一月以二月初六日起至二月二十五日止為宣示互選人名日期以三月初一日為舉行互選之期刻由督憲派定互選管理員辦理調查資格事宜假天津商務總會為辦公之所凡順直合格富紳即請於二月初六日前親到天津商務總會互選管理員辦公處填明資格以便彙呈憲儘選互選人二十八俾得如期宣示祈合格富紳幸勿自誤可也  
互選管理員謹啟